

ALTI-MÄGD CLIQUE

(Comité-Schnitzelbank 1932)

Modärni Eglisee = Wärter

Badmaischter sim-mer vo dertuss
Im Schwimmbad Eglisee,
Hän d'Ohre no und d'Auge voll
Vo Maiteli — Juchhel
Wenn ain sich amüsiere will,
So het er hit nit wyt,
Er gseht, wie's Fischli sälig isch,
Wenn's uff em Rugge lyt.

Scho wo's ereffnet worde-n-isch
Vom ganze Grosse Rot,
Het's allerhand z'erläbe gäh,
Wie's by so Feschli goht.
Zwai Vollbluetkommunischte hän
Mit Bourgeois gsoffe, doch
Aim wird's nit «wohler» und der zwait
«Pfyft» uff em letschte Loch.

D'Mischtkibel mache mit em Gstangg
Aim nimme vyl Verdruss,
Si hän zue ihrem edle Zwägg
Jetz e Padäntverschluss.
s'kennt sy, dass däm Gidange no
E grossi Zuekunft winggt
Und dass en au der Bund binutzet,
Wenn's wider naime stinggt.

Will ain Spidaldirüggtter sy,
Duet's au e lääre Kopf,
Denn wenn d'Motorrad fahre käsch,
So gniegt's im Burgerzopf.
Drum wird is aine-n-yedruggt,
Nit Vogel und nit Fisch,
Pär Velo mues er seggle halt,
Wenn ain e Bärner isch.

Fir's Stadtplanbureau brauch't's e Schwob,
E mängem Archideggt,
Wo gmaint het, s'syg e Platz fir ihn,
Isch d'Hoffnig wiescht verregt.
Me brauch't im Baudepartement
Halt dasmol grad e Ma,
Wo fir d'Plakat am Petersbärg
E bitzli schriftdytsch ka.

Fir dass der Felix hole ka
Sich no-n-e fimfti Frau,
Git Basel ihm der Burgerbrief
Dä gniegt zer Schaidig au.
Us Dangg derfir duet dichte-n-är
E Hymnus «An die Schweiz»
Mit alle-n-altverfurzte Ryhm:
Geiz, Beiz, Reiz, anderselts.

Was wird licht us em Spalodor?
Das froggt me sich scho lang,
Si pfusche hinder Brätterwänd,
Im Halmetschutz wird's bang.
Villicht wird zletscht, ass's häller wird,
— So het me sich verzellt —
In unsrem Baudepartement,
E Brenner uffgestellt.

Im Heroin-Prozess plaidiert,
Der Oberkommunischt,
Wil är, wenn aine zahle ka,
Au by de Burger fischt.
Dernäbe schloht er grad dermit,
Uff's Mol zwai Fliege z'dot,
Denn's Rauschgift mit der Tscheka gheert
Zuem Sowjet-Morgerot.

Au's Glaraschuelhuus isch versorgt,
Mit Schetz vom Kunschtgredit,
Uff d'Glasgmäld het me sich verlegt
Jetz in der letschte Zyt.
Hätt' unsre-n-Edwin so-n-e Gfräs,
Wie dert me ka ge gseh,
So derft er nit a'a d'Fasnacht geh,
Und nit ins Koralle.



Kemmet alli am Suntig z'Oben no der Fasnacht
am sibeni in Musigsaal zuem Schlussobe vo de
Comité Schnitzelbängg.